

**Pwyllgor ar y Gorchymyn ynghylch
Diogelu'r Amgylchedd a Rheoli Gwastraff**

**The Proposed Environmental Protection
and Waste Management LCO Committee**

Bae Caerdydd / Cardiff Bay
Caerdydd / Cardiff CF99 1NA

July 2007

Annwyl Gydweithiwr

**Ymgynghoriad - Pwyllgor ar y Gorchymyn ynghylch Diogelu'r Amgylchedd a Rheoli
Gwastraff**

Sefydlwyd y Pwyllgor ar y Gorchymyn ynghylch Diogelu'r Amgylchedd a Rheoli Gwastraff ar 4 Gorffennaf 2007 i drafod Gorchymyn arfaethedig Cynulliad Cenedlaethol Cymru (Cymhwysedd Deddfwriaethol)(Rhif 2)2007 ac i adrodd amdano.

Mae'r Pwyllgor wedi cytuno mai'r canlynol fydd maes ei graffu:

- egwyddorion cyffredinol y Gorchymyn arfaethedig, h.y. bod cymhwysedd deddfwriaethol, fel y'i dynodir yn 'Materion 6.1 a 6.2', yn cael ei roi i'r Cynulliad a bod Mater 5.10 ac ar ôl Maes 20 yn cael eu diwygio yn unol â'r hyn a awgrymir; ac
- a yw'r Gorchymyn arfaethedig yn darparu fframwaith priodol ar gyfer cyflwyno agenda'r polisi ar Ddiogelu'r Amgylchedd a Rheoli Gwastraff, ac yn arbennig felly, a ddiffiniwyd amodau'r Gorchymyn arfaethedig yn rhy eang neu'n rhy gyfyng?

Diben gwaith y pwyllgor yw craffu ar y modd y bydd y Gorchymyn arfaethedig yn cael ei ddrafftio ac oherwydd hynny ni fydd y pwyllgor yn cynnal trafodaethau manwl ynghylch y Mesurau arfaethedig y gellid eu cyflwyno yn sgil derbyn y cymhwysedd deddfwriaethol, nac yn adolygu'r polisiau sydd yn bodoli eisoes yn y maes, nac yn ail-wneud gwaith a wnaed yn barod gan bwyllgorau pwnc y gorffennol.

Gellir cael mwy o wybodaeth am y Gorchymyn arfaethedig a'i Femorandwm Esboniadol, ynghyd â Chanllaw i'r broses ddeddfu yn <http://www.assemblywales.org/bus-home/buslegislation.htm>

Gwelir trawsgrifiad cyfarfod cyntaf y Pwyllgor yma: http://www.assemblywales.org/bus-home/bus-committees/bus-committees-third-assem/bus-committees-third-epwm-home/bus-committees-third-epwm-agendas/epwm_transcript.pdf?langoption=3&ttl=EPWM%283%29%20%3A%20Transcript%20%28PD F%2079-2%20kb%29

'R wy'n ysgrifennu atoch i'ch gwahodd i gyflwyno tystiolaeth i'r Pwyllgor.

Byddai'r Pwyllgor yn hoffi derbyn tystiolaeth yn enwedig mewn perthynas â'r cwestiynau a ganlyn:

Ffon / Tel: 029 2089 8008
Ffacs / Fax: 029 2089 8021
Minicom: 029 2082 3280

E-bost / E-mail: legislationoffice@wales.gsi.gov.uk

1. A fyddai amodau'r Gorchymyn arfaethedig yn caniatáu gweithredu agenda'r polisi ar reoli gwastraff a diogelu'r amgylchedd drwy Fesurau? Os na fyddai, ym mha fodd y byddai gofyn ail-ddrafftio'r Gorchymyn arfaethedig a pham?
2. Mae'r Gorchymyn arfaethedig yn cynnwys Tabl sydd yn nodi rhai eithriadau nad yw Materion 6.1 a 6.2 yn eu cwmpasu- gweler y rhai rhif 1, 2, 12 13, 14 15, 16 a 18. A yw'r eithriadau hyn yn briodol? Os nad ydynt, sut y dylid eu hail-ddrafftio a pham?
3. A yw amodau'r Gorchymyn arfaethedig wedi'u drafftio'n briodol, neu'n rhy eang neu'n rhy gyfyng? Os oes angen sut y dylid ail-ddrafftio'r Gorchymyn arfaethedig a pham?

Os ydych yn dymuno cyfrannu at waith y pwyllgor dylid anfon cyflwyniadau drwy'r e-bost neu ar ddisg, lle mae hynny'n bosibl, neu fel arall ar ffurf copi caled at:

Sarah Beasley, Dirprwy Clerc y Pwyllgor, Y Swyddfa Ddeddfwriaeth, Cynulliad Cenedlaethol Cymru, Bae Caerdydd, CF99 1NA.

E-bost: legislationoffice@wales.gsi.gov.uk. (Rhowch y teitl 'Ymgynghoriad y Pwyllgor DARhG ar yr e-bost.)

Dylai'r cyflwyniadau gyrraedd y Cynulliad erbyn dydd Gwener 21 Medi 2007. Efallai na fydd hi'n bosibl rhoi ystyriaeth i gyflwyniadau a dderbynnir ar ôl y dyddiad hwn.

Wrth lunio'ch cyflwyniad, cofiwch y pwyntiau canlynol:

- Dylai'ch ymateb fod mor gryno â phosibl. Rhowch y teitl a roddwyd uchod fel cyfeirnod ar eich ymateb;
- Bydd Cynulliad Cenedlaethol Cymru fel arfer yn peri bod y cyhoedd yn cael gweld yr ymatebion a geir wrth ymgynghori'n gyhoeddus ac efallai y byddant hefyd yn cael eu gweld a'u trafod mewn cyfarfodydd Pwyllgor. Os nad ydych yn dymuno bod eich enw na'ch cyflwyniad yn cael eu cyhoeddi mae hi'n bwysig eich bod yn datgan hynny'n glir yn eich cyflwyniad;
- Dangoswch ai fel unigolyn neu o ran sefydliad yr ydych yn ymateb;
- Dangoswch a fydddech yn fodlon rhoi tystiolaeth lafar i'r Pwyllgor neu beidio.

Mae'r Pwyllgor yn croesawu cyfraniadau Cymraeg neu Saesneg a bydd yn ystyried ymatebion i'r ymgynghoriad ysgrifenedig yn ystod tymor yr hydref.

Os oes gennych unrhyw gwestiynau, cysylltwch â'r Clerc, Gareth Williams (Ffôn 029 2089 8032) neu Sarah Beasley, y Dirprwy Clerc (Ffôn: 029 2089 8032).



Alun Ffred Jones AC
Cadeirydd

Ffon / Tel: 029 2089 8008
Ffacs / Fax: 029 2089 8021
Minicom: 029 2082 3280

E-bost / E-mail: legislationoffice@wales.gsi.gov.uk